

Communicaziun a las medias BCG

Rendaquint semestril BCG 2017: in augment dal gudogn considerabel

Cuira, ils 27 da fanadur 2017 – Cun in plus da 9.2 pertschient surpassa il gudogn dal concern da la Banca Chantunala Grischuna (BCG) durant l'emprim mez onn 2017 cleramain quel da la perioda precedenta. Tut las gruppas da retgav èn creschidas a moda positiva. Il resultat da ristga excellent en la fatschenta da credit ha contribuì essenzialmain al gudogn. Ils custs èn restads stabils, la relaziun da custs e d'entradas è sa sbassada sin 47.1%. La prognosa da gudogn per la fin da l'onn vegn curregida ensi.

Las cifras distinctivas:

- gudogn dal concern: CHF 98.7 miu. / +9.2%
- resultat da fatschenta CHF 105.4 miu. / +15.0%
- afflussiun da novs daners CHF +167.0 miu. / +0.6%
- creschientscha da las ipotecas CHF +468.9 miu. / +3.0%
- relaziun da custs e d'entradas II: 47.1%

Las mesiras ed iniziativa strategicas introducidas ils ultims onns portan fritg. «Ils fonds d'acziars e d'obligaziuns che la Banca Chantunala Grischuna ha lantschà cun success, han rinforzà vinavant nossa posiziun en la fatschenta d'investiziuns sco era la productivitat», constatescha il president da banca Peter Fanconi. Il CEO Alois Vinzens sa legra da l'augment da la creaziun da valor: «Nus essan creschids cleramain en tut las cumponentas da retgav senza negliger il management dals custs. Questa via vulain nus ir vinavant consequentamain.»

Rinforzà la posiziun en la fatschenta da clients

Ils emprests a la clientella èn creschids per CHF 521.9 miu. (+2.9%), las ipotecas han contribuì a quest resultat cun CHF +468.9 miu. La creschientscha da las ipotecas en il martgà indigen è sa participada cun +1.2% a la ferma creschientscha da 3.0%. La facultad da la clientella (CHF +959.6 miu. / +3.4%) è s'augmentada grazia a las stentas d'acquisiziun positivs (afflussiun da novs daners: CHF +167.0 miu.) sco era grazia ad ina ferma performance d'investiziun.

Augmentà il retgav da fatschenta per +11.1%

En tut las cumponentas da retgav ha la banca surpassà tant il resultat da l'onn precedent sco er il preventiv. Il retgav da fatschenta è s'augmentà per 11.1% sin CHF 197.8 miu.

Il resultat da ristga excellent augmenta per +7.6% il gudogn da tschains net

Il gudogn net da la fatschenta da tschains è s'augmentà per 7.6% sin CHF 131.0 miu. cumpareglià cun la perioda da l'onn precedent (CHF +9.3 miu.). Il svilup da las posiziuns da ristga ha pussibilità da schliar rectificaziuns da la valor en l'autozza da CHF 10.3 miu. (perioda da l'onn precedent: CHF 2.6 miu.). Quai ha già in effect positiv sin il retgav dals tschains. La bassa quota da credits problematicas da 0.22% accentuescha la qualitat dal portfolio da credits. Il gudogn brut dals tschains è s'augmentà per +1.3%.

Profità dals martgads da chapital amiaivels

L'augment dal retgav en la fatschenta da cumissiuns e da servetschs da 4.3% sin CHF 46.5 miu. (CHF +1.9 miu.) è d'attribuir al svilup positiv als martgads d'aczijs, a la contribuziun da la **Banca Privata Bellerive SA**, a l'introducziun dal mandat da cussegliaziun BCG sco er a l'emissiun dad agens fonds.

L'Albin Kistler SA contribuescha al resultat

In augment da las transacziuns da vaglias en valutas estras ha influenzà positivamain il retgav da las devisas ed uschia il resultat da la fatschenta commerciala (+28.2%). Ultra dals clients da mandat han er ils clients da cussegliaziun contribuì al retgav supplementar. L'ulteriur gudogn ordinari (CHF +6.2 miu.) è s'augmentà cun realisar reservas zuppadas en connex cun investiziuns en il sector da vaglias sco era tras il retgav da la participaziun da 25% a l'Albin Kistler SA (consolidaziun equity).

Danovamain augmentà la productività

Ils custs da fatschenta inclus l'indemnisaziun da la garanzia chantunala èn restads praticamain stabils cumpareglià cun l'onn precedent (+0.6% / CHF +0.5 miu.). La relaziun da custs e d'entradas II è sa meglierada grazia a l'augment dal retgav ed importa 47.1% (-2.8 puncts procentuals), quai che correspunda ad ina productività particularmain auta er en cumparegliaziun traversala. Ils custs da persunal (-0.4% / CHF -0.2 miu.) èn sa reducids. Ils custs materials cuntengnan custs supplementars budgetads pervi da l'offensiva da digitalisaziun. L'indemnisaziun da la garanzia chantunala, che vegn calculada a basa dal basegn d'agens meds, è creschida per 3.9% sin CHF 1.5 miu.

Augmentà a moda signifitganta il resultat da fatschenta ed il gudogn dal concern

Il resultat da fatschenta (CHF 105.4 miu.), sco expressiun da la prestaziun operativa, è creschì per 15.0%. L'augment dal retgav en cumbinaziun cun il managament dals custs menziunà explitgescha il success. Las retenziuns (CHF 1.4 miu.) han engrevgià il resultat mo levamain. Las amortisaziuns (CHF 6.8 miu.) cumpiglian las amortisaziuns da goodwill planisadas en connex cun la participaziun a l'Albin Kistler SA. Il gudogn dal concern è s'augmentà a CHF 98.7 miu. (+9.2%). La rentabilitad surpasa cun ina rendita da l'agen chapital da 8.9% cleramain la finamira minimala strategica.

Ina dotaziun d'agen chapital surproporzionala

La BCG preschenta cun il rendaint semestral 2017 in agen chapital (incl. minoritads) da CHF 2'455.7 miu. Cun ina dotaziun d'agen chapital (CET-1) da 18.4% tutga ella vinavant tar las bancas cun la meglra chapitalisaziun. Quai conferma era la Leverage Ratio fitg auta da 9.0%.

Perspectiva – il 2017 vegn a surpassar cleramain l'onn precedent

Cun il resultat semestral excellent po la perspectiva formulada per il 2017 vegnir curregida ensi. La banca quinta da nov cun in resultat da fatschenta da CHF 178 fin 183 miu. ed in gudogn per scrit da participaziun da CHF 73.00. La finamira da creschientscha dals emprests a la clientella vegn auzada sin CHF +675 miu.

Cifras distinctivas BCG (en CHF 1'000)	2017	2016	Diferenza onn preced.	
Quint economic	1. sem. 2017	1. sem. 2016		
Rendita da la fatschenta	197'767	178'038	19'729	11.1%
Custs da fatschenta	84'167	83'695	472	0.6%
Resultat da la fatschenta	105'420	91'680	13'740	15.0%
Gudogn dal concern	98'663	90'350	8'313	9.2%
Bilantscha	30.06.2017	31.12.2016		
Emprests a la clientella	18'568'132	18'046'280	521'852	2.9%
Facultad da la clientella	28'837'430	27'877'867	959'563	3.4%
Agens meds (avant l'utilisaziun dal gudogn ind. minoritads)	2'455'735	2'445'142	10'593	0.4%
Activas validadas tenor las ristgas (ind. ristgas operaziunalas)	12'688'717	12'548'767	139'950	1.1%
Cifras distinctivas	1. sem. 2017	1. sem. 2016		
Gudogn avant la furmaziun da reservas senza minoritads	106'114	98'087	8'027	8.2%
Novs daners nets	167'037	178'404	-11'367	-6.4%
Relaziun da custs e d'entradas I ¹⁾	44.9%	47.7%	-2.8%-Pt.	-5.9%
Relaziun da custs e d'entradas II (excl. Goodwill) ¹⁾	47.1%	49.9%	-2.8%-Pt.	-5.5%
Rentabilitad / ROE	8.9%	8.5%	0.4%-Pt.	4.7%
Rentabilitad sin l'agen chapital dumandà (relaziun CET1: 12.8%)	13.3%	12.6%	0.7%-Pt.	5.4%
Gudogn per scrit da participaziun	42.54	39.25	3.29	8.4%
Relaziun CET1 / Tier 1	18.4%	18.5%	-0.1%-Pt.	-0.5%

¹⁾ rendita da la fatschenta excl. midadas da las rectificaziuns da la valor

Contact per ils collavurats da medias e per investurs:

Banca Chantunala Grischuna, Medias & Investor Relations, chascha postala, 7001 Cuir

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 993 collavurats e collavurats (stadi dals 30-06-2017). En il chantun Grischun cun sias numerus vals e pliras linguas, è l'interpresa represchentada cun 58 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaint semestral preschenta ella cun ina summa da bilantscha da CHF 24,5 milliardas in gudogn dal concern da CHF 98,7 milliuns. Il scrit da participaziun BCG è quots a la bursa dapi ils 10 da settember 1985.

Termins

Quint annual 2017: 9 da favrer 2018

Radunanza dals participants: 5 da matg 2018
